

kontuola...

KONTUOLA, Idolaz elkarte, **ANTZUOLA**. **Kazetaria:** Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 53. zenbakia. 2000ko otsailaren 25a.

Igogailuak merkeagoak izango dira

Udalak 2,5 milioi pezeta emango ditu igogailuak jartzeko

Igogailuak ipintzeko azterketa teknikoa egiten ari da Udala. Dagoeneko Errekalde auzoko atari baterako amaitu du azterketa hori eta tarteko eskailburuetara iritsiko litzatekeen igogailu bat jarri daitekeela erabaki du. Igogailu hori kanpotik joango litzateke eta esan bezala, ez litzateke pisu zehatzera iritsiko, baizik eta bi pisuren tarteko eskailburura. Hori dela eta, erabiltzaileak zortzi eskailera igo edo jaitsi beharko ditu.

Errekaldeko bizilagun horiek nahi izango balute, Udalak bi milioi eta erdi PTA emango lituzke igogailua jartzeko. Proiektu osoak 12 milioi PTA balio ditu gutxi gorabehera. Eusko Jaurlaritzak laguntza fiskalak eta kreditu txikiko laguntzak ematen ditu.

Igogailua jartzeko, etxebizitzetako bostetik hiru ados egon beharko lirateke igogailua ipintzeko. Horren arabera, Errekaldeko bosgarren atariaren kasuan, nahikoa litzateke zortzi bizilagunek nahi izatea proiektuak aurrera egiteko. Gero pisu bakoitzaren kostua ere proportzionala izango litzateke, hau da, zenbat eta gorago bizi, orduan eta gehiago ordaindu beharko da. Adibide bat jartzeagatik, lehenengo pisura joateko hamasei eskailera baldin badaude, igogailuarekin zortzi geldituko lirateke. Bizilagun honentzat kostua 0 PTAkoa litzateke, baina bosgarren pisukoak lehen 80 eskailera ditu eta igogailuarekin (lehenengo pisukoak bezala) 8 baino ez litzateke izango. Honek 1.187.500 PTA ordaindu beharko lituzke.

Bizilagun bakoitzak ordaindu beharrekoa Udalak egindako azterketatik at-



Honela geldituko litzateke Errekalden jarri nahi den igogailua.

ratzen da, baina oraindik Errekaldeko bizilagunen erabakia gelditzen da. Gainera, hau bosgarren atariaren kasuari dagokio. Orain hirugarren atarikoek eskatu dute ikerketa egitea.

Ibarreko bizilagunek ere eskatu omen dute azterketa egitea. Badirudi bezaraz, Udalak ematen duen laguntza dela eta, herriko etxebizitza zaharrek balore handiagoa izango dutela. Valen Moñuxek azaldu digunez, "etxebizitza horiek igogailuarekin euren balioa hirukoiztuko lukete". ■

Pisu bakoitzeko kostua igo egiten da:

2. pisua	1.187.500 PTA
3. pisua	1.979.167 PTA
4. pisua	2.770.833 PTA
5. pisua	3.562.500 PTA

Bizilagun bakoitzak ordaindu beharrekoa:

2. pisua	395.833 PTA
3. pisua	659.722 PTA
4. pisua	923.611 PTA
5. pisua	1.187.500 PTA

■ ■ ■
Etxebizitzetako bostetik hiru ados egon beharko lirateke igogailua ipintzeko
■ ■ ■

Martxoak 8. Atzetik aurrera



**Pilar
Etxaniz**

Zein izan da mende honetan gizarteari onura handiena egin dion aurkikuntza? Nik, ez dut zalantzarik. XX. mendeko emakumeei egin nahi diet gaur nire omenalditxo.

Emakume anonimo askori euren lan eta kemenagatik lortu genuelako boto eskubidea eta, beraz, "hiritar" kategoria. Gure gorputza geurea dela eta guk dugula berekiko jabetza eta erabakikortasuna aldarrikatzen hasi ziren emakumeei, beraiei esker lortu dugulako amatasuna aukera bat izatea. Bere adimenarekiko konfidantza izan zuten emakumeei, eta pentsakera hertsien gainetik esparru politikoak eta akademikoak okupatzen ausartu zirenei. Lankideen deskonfidantza saihestuz, gizonen jositako lantokietako ateak zabaltzea lortu zuten emakumeei, independentzia ekonomikoa lortuz. Bere izen propioarekin.

Historian sartzea lortu zuten emakumeei: Virginia Woolf, Frida Kalkho, Simone de Beauvoir... euren bizitzaren eta ereduaren bitartez azaldu zigutelako zer den emakumea izanda pentsakera autonomoa izatea.

Gizarte osoak du zor bat emakume hauekin, berdintasunaren bidea eta bere garrantzia erakutsi zigutelako. Atzera begira lorpen handiak ukatu ezinak dira; hala ere, berdintasuna oraindik helburu bat da.

Etxeko lanei eta umeen eta zaharren zaintzari erreparatu ia lan guztia emakumeen bizkarretan geratzen da. Munduko lurralde gehienetan txirotasunean bizi direnen %80 emakumea da. Emakumeek aurten ere badugu zer gogoratu eta zer eskatu.

Antiguako ermita berriztu egin dute

Martxoaren 4an Aingeru Guardako meza

Aingeru Guardako eguna, martxoaren lehena, ospatzen dute baserritarrek eta egun horretan urtero meza izaten zuten Antiguako ermitan. Aurten, ordea, larunbatean ospatuko dute egun hori eta Antiguako ermita berriztuan emango den mezaren ondoren, bazkaria izango dute.

Ermita kanpotik eta barrutik berriztu dute. Kanpoaldeko harria garbitu egin


dute eta elizpeko exerlekua eta ate nagusia ere berriztu dituzte. Barrualdean lurrean prola bota, hormak margotu eta eserleku pare bat berriztu dituzte. Izan ere, egurra sitsak janda dago. Hau sahies-teko asmotan Foru Aldundiari dirulaguntza eskatu diote, baina oraindik ez dute erantzunik jaso, nahiz eta Antiguako ermitako Ama Birjinaren irudia konpontzeko dirua eman zuen bere egunean.

Bitartean lanak ermitan zegoen diruarekin ordainduko dira. Izan ere, 700.000 PTA zeuden bilduta.

Gaur egun Antiguako ermitaren garbiketa lanak Sa-

bina Agirrek eta Miren Arangurenegiten dituzte eta maiordomoak Vitoriano Barrena eta Ventura Igarza dira. Euren kontatu digutenez, "sitsa kontrolatu ezan bost bat urte barru ermitan arazo larria egongo da".

Martxoaren 4an Aingeru Guardako meza emango da eta maiatzean izango dira astean zehar egiten diren mezak.



Lanak bildutako diruarekin egin dira.



**MUEBLES
IGEA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta
bainurako altzariak
Altzari rustikoetan
espezializatuak

LARREA

TABERNA

Kalebarren 17
ANTZUOLA



Juan Migel Pagaldai eta Bentura Igarza.

Bailarako abeltzainen batzar orokorra

Debagoieneko 52 abeltzain elkartu ziren

Joan zen domekan Debagoieneko abeltzainak elkartu ziren Antzuolako Udaletxeko osoko bilkura aretoan. Urteroko ohiko batzarra egin zuten hantxe eta Bergara, Arrasate, Elgeta, Oñati, Aretxabaleta, Eskoriatza, Gatzaga eta Antzuolako baserritarrak elkartu ziren, gehienak ere ganadua dutenak. Guztira 52 lagun elkartu ziren batzar orokorrean. Antzuolatik ere bi kide daude elkarteko zuzendaritzan, Juan Migel Pagaldai eta Bentura Igarza. Eurek kontatu digutenez, "ohiko batzarra izanik urteko balantzea eta horrelakoak esan ziren. Baina berrietasunen artean, hemendik aurrera ganaduei bi botika eman beharrean bakarraekin nahikoa izango dela da. Izan ere, albaitariak ikerketa bat egin dute eta udaberri eta udazkenean ematen ziren

botiken ordeztu, bakarra emango digute ganaduen hesteak eta gibela ondo mantentzeko".

Bi antzular hauentzat zuzendaritzan egiten duten seigarren urtea da eta bi urte barru beste bi ordezkari aurkeztuko dituztela baieztatu digute "nahiko denbora egin dugu eta".

Mankomunitateko elkartean dauden ganadu jabe antzularren artean, gehienek batzaz beste 2 edo 3 buru dituzte. Datuei erreparatu gero bost burutik behera dituzten 29 bazkide daude herrian eta guztira 40 bazkide daude Antzuolan.

Elkarteko bazkideek albaitarien zerbitzua izaten dute eta horrez gain, euren ganadu buruen kontrol fitxa bete behar izaten dute.

Okerrak zuzendu eta Antzuolako euskeran emon

1. Aittittak debalde jua dira Benidormera.

1.

2. Ziburuetan ibilli leikeza.

2.

Izen-abizenak eta telefonua:

.....

idolaz bertako hizkeria
ANTZUOLA

Aurreko Kontuolako erantzun zuzenak:

1. Karnabaletan pirata jantziko haiz?

2. Eguraldixan gainian dihardue.

Sarituak: Ana Peñalba eta Imanol Lizarralde

Eskuman erantzunak idatzi ostian, moztu eta laga Antzuolako udal liburutegixan, **DATORREN EGUAKITZA BAINO LEHEN.**

Erantzun zuzenen artian 5.000 pezeta eta "Antzuolako hizkera" liburuaren ale bat zozketatuko ditugu hamabostero.

zabalo

IGELTSEROTZA

Jose Luis Zabalo

Birgaitzeak • Fatxadak

Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89



Euskal
sukaldaritzza

Eguneko
menua

Kalebarren 7, ANTZUOLA Tf. 943 78 71 12

**LEKU-BERRI
MERENDEROA**


Janariak eta edariak

Tf. 943 76 60 94

Danok Bat izan zena martxoan botako dute

Hasierako asmoak atzeratzen ez badira, Danok Bat elkarteak egon zen eraikina eta Tellerianeko lantegi zaharra martxoan botako dituzte.

Udalak bi eraikin horien ordez parke bat eta etxebizitzak eraikitze asmoa dauka. Etxebizitzak Tellerianeko eraikina dagoen aldean egingo lirateke, Kalegoi igotzen eskuma aldean. Erreka aldean egingo litzateke parkea. Parkea nolakoa egin, ordea, erabaki barik dauka Udalak. Izan ere, orain 6 metroko zuloa dago Danok Bat zaharretik errekarara, eta eraikin honen zimenduak errekatik 3 metrora daude. Hori dela eta, aukerak asko izan daitezke. Valen Moñuxen arabera "parkeak bi aukera ditu. Edo 6 metroko altuerara egin edo 3 mra. Dena dela, aztertu egin beharko da zein den irtenbiderik egokiena". Parkeak 600 m2 izango litzateke eta hiruki luze itxura.



Danok Bat eta Tellerianeko eraikinak botako dituzte.

Parke horrek oinezkoendako pasabidea izango luke Ondarreko etxebizitzetaraino. Honela errekararen bi aldeak lotuta geldituko lirateke. Etxebizitzaren proiektuak 30 etxebizitza aurreikusten ditu. Etxe guztiek Antzuolako alde zaharreko etxeen itxura izango lukete. Ez lirateke etxe garaiak eta pisu askokoak izango.

tuak 30 etxebizitza aurreikusten ditu. Etxe guztiek Antzuolako alde zaharreko etxeen itxura izango lukete. Ez lirateke etxe garaiak eta pisu askokoak izango.



Presoen aldeko manifestazioa

Antzuolako Euskal Presoak Euskal Herrira plataformak, martxoaren 5ean, domekan, Aretxabaletan egingo den manifestaziora joateko deia egin du. Debagoieneko euskal presoen aldeko plataforma guztiek antolatu dute agerraldia. Gainera kirol eta kultura arloko taldeei parte hartzeko deia egin diete. Honela, talde hauek "Debagoiena euskal presoen eskubideen alde" leloa eramango dute eta plataformek, berriz, "Euskal Presoak Euskal Herrira" leloa.

Bailarako udalei ere agerraldian parte hartzeko deia egin diete eta dagoeneko, Antzuola, Arrasate, Aretxabaleta eta Eskoriatzako udalek baietza eman dute.

Agerraldia arratsaldeko 18:00etan hasiko da Aretxabaletan, datorren domekan, martxoaren 5ean.

Karnabalak

Martxoaren 5ean ospatuko dira inauteriak herrian eta goizean zein arratsaldean mozturrotutako dantzariak izango dira nagusi. Mutilak sorgin jantzita aterako dira urteroko sorgin dantza eskaintzeko.

Igor eta Txomin



Margoak orokorrean

ANTZUOLA

BERGARA

609 157 131

609 150 164

GOROSTI
Taberna

☎ 943 76 62 96

Zurrategi plaza ANTZUOLA



Jose Gomez
Abad

Errekalde 6, 4-B. Antzuola

943 76 60 19

943 76 60 43

AITZ-GARBI



taberna
jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51